

Vom Ritterlichen Schiessen
Noch drithalb meil gieng ich da hin /
In ein dorff / do ich blieben bin /
Anderthalb meil von Comethaw /
Ich kriegt ein Wirtin die war gnaw /
Gab sperlich speis / tranck / nam viel drum /
Ich schilt sie weder böß noch frumb /
Kem sie mir vndert Prükschen mein /
Ich wolt jr wider pflegen fein /
Derweil bleib sie nur wer sie sey /
Sie schaffte mich hinaus auffß hew /
Drin ruehet ich mir eben gnug /
Bis morgen da es fünffe schlug /
Da sprang ich wider früe ins feldt /
Den Zwanzigsten das ich euch meldt /
Nach Comethawe ich mich kert /
Da lag ich still / vnd hab gehört /
Vom wasser / wies het schaden gthan /
Man sagt es solt kein fortgang han
Das Schiessen / ich solt kehren zu rück /
Es het zurissen manche brück /
Ein ander sprach / het gründlichn briche
Das Schiessen het kein fortgang nicht /
Da ich vernam solchen bescheide /
Wars mir in meinem herzen leide /
Dacht